

Recueil des chartes de l'abbaye de Stavelot-Malmedy, 255

Alexander episcopus servus servorum Dei venerabili fratri Henrico Remensi archiepiscopo, salutem et apostolicam benedictionem.

Ex transmissa nobis conquestione abbatum et fratrum sancti Remigii accepimus, quod advocatus de Germiniaci redditus ejusdem villae, quos fratres praedicti monasterii ab ecclesia sancti Remacii sub annuo censu rationabiliter possident, eis auferre praesumat et contra justitiam occupare. Quia igitur jura ecclesiarum paterna debemus sollicitudine integra, et illibata servare, fraternitati tuae per apostolica scripta mandamus, quatinus, si ita est, praedictum advocatum diligenter admoneas et districte compellas, ut ablata eis restituat et praedictam ecclesiam super jure suo vexare ulterius non praesumat; quod si memoratus advocatus de justitia sua confidit, in praesentia tua expediatur, alioquin eundem G. ex officii tui debito ad id exequendum ecclesiastica censura constringas. Data Bituricis id. septembris.